



Газет 2001-йисан
ноябрдилай акъатзава

Эренлардин СЕС

РД-дин Докъузпара райондин общественно-политический газет.
Общественно-политическая газета Докузпаринского района РД.

№5 (987) 3-февраль, арбе, 2021-йис. Газетдин са экз. къимет киоскрай - 13 манат

Оперштабдин заседанида иштиракна



26-январдиз, вахтуналди райондин Къилин везифаяр тамамарзавай Мегъамед Шамилов чи региондин сергъатра коронавирусный инфекция чуклур тавунин ва ам гъунин вилик пад къунин мураддалди киле фейи оперативный пгтабдин заседанидин иштиракчи хъана. А мярекат вахтуналди Дагъустандин Къил Сергей Меликован регъбервилик кваз конференцалакъадин къайдада киле фена.

Чи муниципалитетдин патай оперштабдин заседанида райондин Къилин заместитель Сурея Исмаиловади ва ЦРБ-дин къилин врач Шагълар Бухсаевани иштиракна. Анал коронавирусный инфекция Дагъустанда чиклиз-

вай гъаларин дугъривилиз къимет гана, агъалийрив ерилу медицинадин къумек агакъарунин месъадай, вакцинациядин терефдай рахунар киле фена. Региондин Къили къейдна, Дагъустанда эхиримжи вахтара коронавирусдик начагъ жезвайбурун рекъем агъуз аватнава.

"Къе чавай къезилдиз нефес къачуз жеда, гъикл лагъайтла, пуд гъафтедин дибдин къалурунар агъуз аватнава. Амма уьзур чуклунин кларци 0,5 процент тепкилзама. Виликдай адан къадар 0,7 процент тир. Мадни, эгер 3-январдалди уьзурдик квайбурун къадар 2 агъузурни 200 кас тиртла, алай вахтунин юкъван рекъем - 2027 кас

хъанва. Им бахтабахтвилдин сиягъдик квайбурун жергейрикай 181 кас хкечлун жезва. Ерилу динамика явашдиз киле физватлани, хъсан патяхъ дегипвилер жезва", - къейдна Сергей Меликова.

Заседанидал алай месъалайрикай садни вакцинадиз талукъди тир. Роспотребнадзордай РД-дин руководитель Николай Павлова къейд авурвал, коронавирусный инфекциядин таъсирдикай хкечлун патал антителир яратмишун герек я. 25-январдалди Дагъустанда 709 касдиз коронавирусдикай хкечдай рапар янава.

Николай Павлов: "Вакцинация авун - хатасуз рехъ я"

Коронавирусдикай хуьдай вакцинация авун хатасуз жуьрейрикай сад я, ада вирусдиз акси антителир арадал гъизва, - къейдна РД-дин кардик квай Роспотребнадзордин руководитель Николай Павлова и йикъара ДГМУ-да кыле фейи пресс-конференциядал.

Чи регионда виликдай кыле тухвай мярекатри хъсан нетижаяр арадал гъана. Клуьд гъафтедин кюлара чун гъа са чкадал алай, амма эхиримжи гъафтеда чна корона-вирусдин инфекция чуکلунин рекъем агъуз аватнавайди кьатгузва. Эгер чна къадал гьалтна Covid-19-дан аксина вакцинация ийиз хъайитла, хатасуз жуьре мадни хийирдихъ элкведа, - лагъана Н. Павлова. Ада гъакни алава хъувуна, вакцинацияди хуси сагъламвал



хуьдай гьал (иммунитет) мягъкемарда. И рекъе "Спутник V" ерилу вакцина я. Пешекарри адан дережа 91,4 процентдин къуват авайди яз гъисабнава. Мадни, Роспотребнадзордин регъберди хабар гана хьи, чи республикадин сергъятра гъар са суткада 6600-6700 ахтармишун кыле тухузва. Идан макъсад цийи коронавирусдин инфекция тайинарунин мураддалди я.

Дагъустандин пульмонологди вакцинадин хийирлувиликай суьгъбетна

И мукъвара РД-дин Минздравдин кылин везифаяр тамамарзавай Татьяна Беляевдихъ ва РД-дин Роспотребнадзордин руководитель Николай Павловхъ галаз кыле фейи пресс-конференциядал чи республикадин пульмонолог Кубатай Мусаева вакцинадин къуватлу терефрикай суьгъбетна. Ада къейд авурвал, коронавирусдин инфекцияди вири ульквейрин экономикадиз еке зарар гана, адан агъурвал инсанрин организмайриз члуру патахъай таъсирдайди, инсанар бейкарвиллиз элкъурдайди хъана.

"Виридалайни кылинди, за меслятзавайвал, коронавирусдин



инфекциядин аксина рапар ягъун важиблу кам я. Гзаф инсанар арадатлана азарлу жез хъана, эхъ, абуру фикрзавай: стлалжем я. Амма

гъакъикъатдикай дуьз хабар авачиз хъун яз, абурувай масадбурук уьзуьр хклуриз жедай. Иллаки къуьзуь яшдин инсанар патал ам иллаки хаталу я. Коронавирусдикай яваш-яваш гила чирвилер кватл жезва. Сагъардай дарманар акъудун патал вахт герекя. Гьелелиг чахъ авай илаж (выход) - вакцинация авун я. Гъар сада вичин хизан, члехи несилдин векилар хуьниз эвер гузва. Вакцинация авунин рекъяй тухузвай таблугъат гьеле тарифдай гьалда авач, ам туклуьр хъувуна кьанда", - лагъана ада.

ЧИ МУХБИР

Чими тлуьнар гунин ери ахтармишна

Алай йисан 16-21-январдин йикъара гъевчи классра клезавай аялар патал гъазурзавай чими тлуьнрин ери ахтармишунин мураддалди чи муниципалитетдин ирид образованидин тешкилатда кардик квай гьалар ахтармишна.

Къейд авун лазим я хьи, алай

вахтунда Докъузпара районада 830 гъевчи яшдин аялар пулсуз чими тлуьнралди таъминарзава. Пешекаррин куьмекдалди махсус меню арадал гъанва. Адан истемишун экъечизавай организмдик витаминар ва микроэлементар акатун я. И рекъяй тешкилнавай комиссиядик

членар яз, райондин Кылин заместитель Сурей Исмаилова, вахтуналди образованидин управленидин начальникдин везифаяр тамамарзавай Пирагъмед Рамазанов ва гъа и тешкилатдин кылин пешекар Ремихан Саруханов квай. Абуру мектебрин пищеблокрин





гьалар, продуктрин ери ахтармишна, санитарно-эпидемиологиядин шартлар гьикл тешкилнаватла, чирна. Комиссияди кьейд авурвал, школьникриз чими

тлунар гунин тема важиблуди я, гьикл лагьайтла ам аялрин сагьлам-виллиз талукьди я. Гьавилий тлунрин еридиз, продуктрал гуьзчивал тухуниз, ам хуьнин ва кьачунин, хьагьунин месэлайриз кьетлидаказ фикир гун чарасуз жезва, санитариядин нормайрални амал авун важиблу я.

Кьиле тухвай ахтармишунрин нетижади кьалурна хьи, гьеччи классрин аялар чими тлунралди таъминарзавай гьалар рази ийидай-бур я, тлунар дуьз низамдик кваз, витаминар кьадардалди бес жедай тегьерда аваз гьазурзава. Абур микроэлементралдинни таъмин я.

ЧИ МУХБИР

Вакцинадин рапар ягьун кьиле физва

Эксперт врачрин гафаралди, кьенин йикьалди коллективный иммунитет арадал гьун патал вакцинация коронавирсдин аксина ишлемишиз жедай, авай са такьат я. Гьавилий и рекьий чи уьлкведа рапар ягьунин кампания эгечлнава.

"Эренлардин сес" газетдин редакциядиз Докьузпарадин ЦБ-дин кьилин врач Шагьлар Бухсаева хабар гайивал, кьенин йикьалди райондин агьалийрикай 150 касди вакцинадин рапар ягьун патал чпин разивал ганва, абурун жергейрай члехи пайни медработникар я.

"Сифте нубатда, гуьгьуьллубуру ивидин ахтармишунар гана



кланда. Covid-19-дин антителар авачирбуруз кьве этапда, пуд гьафтедин араяр аваз, рапар яда", - кьейдна кьилин врачди.

Ш. Бухсаеван гафаралди, иви анализдиз кьачунилай гьейри, бедендал алай ифин алцумзава. Кьакьан дережадин ифин алайбуруз

рапар язавач. Вакцинадин процедура тухуналди вилик хронический уьзурар квани-квачни чирзава. Ахпа рапар ягьунив экьечлзава. Кьилин врачди кьейдна, чи муниципалитетдин центральный больницада вакцина хуьн патал махсус шартлар тешкилиз жезвач. Идахь галаз алакьалу яз, Мегьарамдхуьруьн районный больницада рапар ядай пункт ахьайнава. Докьузпара райондин агьалийривай вакцинация ийиз аниз физ жеда. Ивидин анализар чкадал, ЦРБ-данни гуз жеда.

ЧИ МУХБИР

1943-йисан 2-февраль - Советрин кьушунри немсерин фашистрин жаллатлар Сталинграддин ягьунра кукварай Югь

Зурба кьегьалвилини ярж

Тамам 200 юкьузни йифиз - 1942-йисан 17-июлдилай 1943-йисан 2-февралдалди давам хьайи Сталинграддин ягьунар, кьиле фейи вири дьавейрилай кьизгьинди хьана. Адан ягьунри 100 агьзур квадратдин километрдин сергьятар кьуна. Им алай вахтунин Воронеждин, Ростовдин ва Волгоград областрин, Республика Калмыкиядин сергьятар гьакьзавай территория я. Фронтдин линия 850 километр диз акьаж хьанвай.

1942-йисан июлдиз немсерин

кьушунар Дон вацалай элячлна, Сталинграддиз мукьва хьана. Душмандихь зурба кьуватар авай: 2 миллионни 270 агьзур аскерарни офицерар, санлай кьачурла - 14 дивизия; пуд агьзур туп, 5000 танк, 1200 самолет ва дьаведин маса техника.

Чи Ватандал цай алай вахтунда Верховный Главнокомандованиедин Ставкади Сталинграддин фронт тешкилна, адак 62, 63, 64-армияр ва 8-армиядин гьавадин кьушунар акатна. Чи аскерин вилик эцигнавай месэла фашистар акьвазаруникай,

абур Волга вацлухь ахьай тавуникай ибарат тир. Сталинграддин фронтдиз атай Верховный Главнокомандованиедин векил, Генштабдин начальник А. Василевскийди кьабулай серенжемрин нетижада немсер алай чкайрал акьвазарна, Сталинград 25-июлдалди кьачунин фашистрин планар члурна. Бязи участокра немсерин кьушунрин кьадар чибурулай 4-5 сеферда, тупаринни минометрин кьадар 9-10 сеферда артух тир. Танкар ва самолетарни душмандиниз чалай





къве сеферда артух авай.

1942-йисан 27-июлдиз И.В. Сталина акъудай 227-нумрадин приказда немсерин чапхунчийр акъвазарунин, гъич са камни къудухъ къачув тавунин буйругъ гана. И буйругъ таммарунин нетижада 64-армияди немсерин фашистар алай чкайрал акъвазарна, абурун пияда къшунрин полк кукварна, вишералди танкар ва женгинин маса техника тергна. Ятлани алава къшунар желбай душмандила йюлдин-августдин варцара 60-80 километр виликди къвез алакна. Амма абурун ериш къвердавай зайиф жезвай, чи аскерри лагъайтла, хайи чилин гъар са чиб патал игитвилелди женг члугъазвай.

Октябрь вацран сифте килера Сталинградда иллаки къати женгер киле фена. Сталинград къачунин къвед лагъай вахт 14-октябрь эцигнавай фашистрин мурадар мадни килиз акъатнавач. Ноябрьдин юкварна Къиблединни Рагъ экъечдай патан ва Донской фронтрин къшунар виликди фена, абуру немсерин фашистриз еке ягъунар къуна.

1943-йисан январдиз ягъунрин нетижар ихътинбур тир: душмандикай 1589 хуър азаднавай, немсеривай 542 самолет, 2064 танк, 182 туп ва маса техника къакъуднай, 137650 аскер ва офицер есирда къунай. Чапхунчийрикай 175 агъзур кас къена. А вахтунда США-дин радиоди хабар гана: "Цийи йис алукъдалди чаз хъайи хабаррикай виридалайни метлеблуди Советрин Армияди

ругуд гъафтеда тухвай гъужумрин нетижа я".

Вакъияяр ик киле фена: 1943-йисан 4-январдиз Верховный Главнокомандованиеди Сталинграддин патав немсерин фашистрин еке десте элкъурна къун патал "Гьалкъа" операция тешкилна. 10-январдиз Донской фронтди элкъурна къунвай немсерин къшунар терг авунин ягъун башламишна. Чи къшунри сад-муькуьдан гуьгъуьналлаз гъалибвилер къазанмишзавай. "Питомник" районда немсеривай аэродромни вахчунвай. И аэродром фашистрин къшунриз дяведин суьрсет агакъарзавайди тир. Фашистрин 6-армиядин Командующий Паулюса Вермахтдин килиз хабар гана: "Тележегда оборона къунин игътияж авач, вун кланик акатна, чан алайбур хуьн патал чаз рей гудай ихтияр це". Ахътин ихтияр немсериз ганачир. Куьмекдиз киле Манштейн аваз къшунрин махсус группа ракъурна. Гуьгъунилай Манштейна кхъенай: "6-армиядиз бегъем куьмек гуз хъанач, чи гуж акакъначир". Советрин командованиеди "Гьалкъада" авай немсерин къшунрин вилик эхиримжи шарт-истемишун эцигна. Маса чара амуьк тавурла, 1942-йисан 31-январдиз Паулюс, вич киле аваз, фашистри рей гана. 1943-йисан 1-февралдиз У. Черчилла И. Сталиназ кхъенай: "Паулюс киле авай немсерин 6-армия кукварун за квез мубаракзава, им гъакъикъи тажуб жедай агалкъун я". Чехи полководец Г. К. Жуковани гъахълу-даказ къейднай: "Сталинграддин

патав чи армияди къазанмишай гъалибвили фронтда авай гъалар дибдай дегешарна. Немсерин фашистар чи чилелай чукурдай мумкинвал гана".

"Сталинград" лугъудай гаф Россия ва вири инсаният патал фашизмдин винел гъалибвал къачур эдебдинни дяведин лишан яз, XX лагъай асирдин дяведин бягъсинин ярж яз бейнида гъатнава. Сталинграддин ягъунра телеф хъайи советрин аскеррин къадар са миллионни 130 агъзур касдив агакъна. Ислягъ халкъдин арадай телеф хъайибурун сиягъ къаз хуьн мумкин туш. Душмандин терефдай къейибурун къадар са миллионни зур яз гъисабзава. Абурун арада немсерин союзникарни ава - итальянвийр, румынар, венгрияр, хорватар.

1995-йисан РФ-дин Президентдин Указдин бинедаллаз 2-февралдин Йикъаз дяведин Баркалладин статус гана. Гъа и юкъуз Волгоград шегъер шадвилерин центрдиз элкъевезва. Иниз виликан СССР-дин къурулушдик кваз хъайи республикайрай инсанар къватл жезва, гуьрметлу агъсакъларин гуьруьшмишвилер киле физва, чпин аскервилин кам хклур чкаяр рикел хкизва, акълатзавай несилдин векилрихъ галаз гуьруьшмишвилер киле тухузва ва масабур. Чи уьлкведин азадвал ва аслу туширвал хвейи вири къагъриманриз баркалла!

Шагъбала ШАГЪБАЛАЕВ

АНТИНАРКОМАНИЯ

Аялар гуьзчивилик кутур ва абурал мукъаят хъухь!

Инсандин сагъламвилиз, психикадиз ва уьмуьрдин кьиметлу кьурулушдиз наркотикрикай авай зарардикай виридаз чизва. Адан аксина неинки са закондин сергьятра, гьатта Виридуьньядин кьуларани женг гегьеншарзава. Са уьлквейри жавабдар серенжемар къабулзава, наркотикар ишлемиш-завайбуур терг авуниз эвер гузва, маса чкайра къезил жуьрейрин наркотикар ишлемишдай ихтияр гузва ва ахьтин ксарни гуьзчивилик кутазава.

Наркотикар маса гузвайбурун ва абур ишлемишзавайбурун къадар Россияда фад гьалда хкаж жезва. Абурун къадар хкажзавайбурун чьехи пай алай вахтунда школьникар жезва. Эгер куьне наркотикар ишлемишзавачгIа, квез адакай хабар авачгIа, амма квез чир хуьхь, 13 ва 17 йисарин яшда авай аялдилз квелай адакай цIуд сеферда эрели яз чизва. И чирвилер абуру Интернетдай, куьчейрай, дустарин жергейрай къачузва.

7 ва 9 лагъай классра кIелзавай 50 процент аялривай ченебан тегьерда хабарар къуна. Абуруз “Квез наркотикар ишлемишиз кIан-завани?” лагъана суал авурла, садани “ваь” лагъанач.

Авур суалди къалурайвал, наркотикар ишлемишиз кIан хьун, асул кар алай сеbeb ам тир хьы, цийи са шей вичиз хата авай, вичел ахтармишна адаз килигун, дарих хьайила, вич са шейнал машгъуларун, дустарин арада вичин вичегъвал къалурун тир.

Наркотикар ишлемишиз кIан хьунин сеbebдиз, са патахъай килигайла, еке метлеб авачгIани,



диде-бубадиз чир хьана кIанда хьы, абурун аялри дуьнья маса тегьерда къатIузвайдакай. ГьвечIизмаз аялдин кьиле ихьтин фикирар хьайила, са тIимил вахтундилай ада винидихь къалурнавай фикирар кьилиз акъудиз эгечIа. Гьикъван фад абуруз куьмек гайитIа, гьакъван адан сагъламвилиз вахтунда куьмекни ийиз жеда. Наркоманиядихь галаз женг тухунин рекъый еримлу серенжемрик диде-бубайрин, муаллимрин, медицинадин къулдугъчийрин саналди тухузвай алакъайрин важибувал къетIенди яз акатзава. Къе чьехибурун хиве авай виридалайни къетIен буржи - акъалтзавай несил дуьз рекьел гьун, хьсан чешнедиз мукъва авун я. Аялди наркотикрик сифте кьил кутадайла, ада дикъет гана, ам вуч шей ятIа чириз алахъзава. Адаз ам чир хьайидилай къулухь, ада гьар цийи жуьредин, чин тийидай хьтин наркотикар ишлемишиз, гьиссдай,

садрани тежер хьтин фикирар акъаз кIанариз жеда.

Наркоманвал арадал атуни дувулар аялдин сифте кIвачел акъалтзавай яшда чуьнуьх хьанва. Чьехи пай диде-бубайри хизанда чьехи жезвай аялдилз вичин “зун я” лугъудай гафунилай “цIар цIугъва-ва”, аялдин мураддиз тербиядин рекъый дуьз дикъет гузвач, ятахъайтIа са хизанда чьехи жезвай аялдин арада абур кIанивилин рекъый фаркъ эцигунилай аслу жезва. Нетижанда вичиз кIанивилин рекъый тIимил майил авай аял психикадин рекъый ажуз гьалара гьатзава. Ахьтинбуру гележегда тиряк квай затIар ишлемишунин сифте нубатда кьил кутазава, гьавилай ихьтин гьалар арадал татун патал чьехибуру аялдин низамдал гуьзчивал тухвана кIанда.

ЧИ МУХБИР

ИСЛАМДИН УЬМУЬРДАЙ

Пулдихь къачур бейкефвал

Умар аль-ХатIабаб, Аллагь рази хьурай вичелай, вич масабуруз чир тежедайвал чин пекинив кIевна, текдиз раятрин гьал чирун патал шегьерда къекъведай хесет квай. Гьа и жуьреда са сеферда къекъведайла,

халифди къуьзуь хьана гьалдай фенвай са къари къатIана ва адаз салам гана, жузуна:

- Умара идара гьикI ийизва?

- Къуй зун сеbeb яз Аллагьди адаз хьсанвал тагурай! - лагъана

къариди.

- Вучиз?! - гьарай акъатна Умарай, Аллагь рази хьурай вичелай.

- Вучиз лагъайтIа, Аллагьдал кьин хьуй, ада



идара ийиз башламишай ч'авалай, чаз адан патай я дирг'ам, я динар ақунач, - лаг'ана к'уьзуь дишег'лиди.

- Умараз ви г'алдиқай г'инай чир х'уй, - тажуб х'ана, жузуна халифди.

- Я зи Аллаг'! - лаг'ана к'ари-ди, - Аллаг'дал к'ин х'уй, са ни ят'ани инсанрал идара ийизва, амма адаз Раг'эк'еч'даи пата ва Раг'ак'идай пата абурун к'илел вуч к'везват'а чизвач лаг'ана за фикир-начир.

И гафар ван х'айи халифдин вилер нак'варив ац'ана ва ада лаг'ана: "Я Умар, вири валай ақуллу я, г'атта к'ариярни квач". Ахпа ада дишег'лидиз лаг'ана:

- Я Аллаг'дин лук'и, ваз Умарак'ай авай х'ел вуна заз кв'ий маса гузва?"

- Зақай яг'анатар мийир, Аллаг'дин рег'имдик х'урай вун, - лаг'ана к'ариди.

- За яг'анатар ийизвач, - к'ейд-на халифди. Ам к'ари рази ийидайвал г'заф алах'на та эхирни адавай х'анвай бейкефвал к'анни вад к'зилдин динардих' к'ачудалди. И вахтунда абурун пагав Али ибн Абу Т'алиб ва Абдулаг' ибн Мас'уд, Аллаг' рази х'урай ч'елай, агатна ва салам гана:

- Ассалам алейкум, инанмиш-бурун г'аким!

К'ариди мяг'тел х'ана Умараз, Аллаг' рази х'урай вичелай, килигна ва вичин к'ил к'уна лаг'ана: "Г'их'тин беябурчивал я! Яраб за инанмишбурун г'акимдин чинал эк'уьг'унарна жал'!"

Халифди ам секинарна:

- Кич'е жемир! К'уй Аллаг'-дин рег'имдик х'урай вун!

Адалай к'улух' халиф хамунин к'усуних' к'ек'вез башламишна ва жаг'ун тавурла, ада вичин парталдин са к'ус к'ат'на ва анал к'х'ена: "Мерг'яматлу ва Рег'имлу Аллаг'дин т'варц'елди. И бейкефвал, Умара идара ийиз башламишай ч'авалай башламишна, флан юк'уз и дишег'лидивай маса к'ачунва. Дувандин юк'уз Умар Аллаг'дин вилик ақвзай ч'авуз, адан адресдик тахсирар кутан тийидайди и дишег'лиди гаф гузва, вучиз лаг'айт'а Умарак' гила тахсир квач. Шаг'идар яз инал Али ибн Абу Т'алиб ва Абдулаг' ибн Мас'уд, Аллаг' рази х'урай ч'елай, алай".

К'вализ х'фейла, Умара, Аллаг' рази х'урай вичелай, вичи к'х'ей чар гададив вугана ва адаз лаг'ана:

- Зун кечмиш х'айи ч'авуз и чар зи г'иле тур. Ам г'ваз зун Аллаг'-дин вилик эк'еч'да.

НАСИГ'АТ

Умараз, Аллаг' рази х'урай вичелай, Аллаг'дих'ай г'заф кич'е тир. Ам адалатлу г'акимрикай сад тир.

Чаз малум тирвал, Аллаг'ди г'ил к'ачун тийизвай гунаг'рикай садни маса инсан дарда тун я. Эгер а инсанди г'еле и дуьньяда амаз вич бейкефар авурдалай г'ил к'ачун тавурт'а, Дувандин юк'уз Аллаг'ди абурун дуван х'ийида, г'ик'и х'и, Аллаг' Таала виридалайни Адалатлуди я.

И кар чизвайвилай, халиф Умара, Аллаг' рази х'урай вичелай, г'асятда, г'ил-г'иле амаз а к'уьзуь дишег'лидивай баг'иш-ламишун к'ачуна.

Мусурманрин г'аким инанмишиди ва дин К'анзавайди х'ун лазим я. Вучиз лаг'айт'а дин ва г'аким, са дидедиз х'айи к'ве стха - к'ветхверар х'из я.

Г'акимди вичин раятрин иг'т-ияжериз фикир гун важиблу я. Ада диндарбуруз г'уьрмет авуна К'анда, х'сан амалдай пишкеш гун лазим я ва гунаг' к'арин вилик пад к'ун чарасуз я. Г'аким вичин г'илик квай инсанриз чешнелуди х'ун лазим я.

А. ЭМИРСУЛТАНОВ

Что делать, если вам предлагают заплатить за медицинские услуги

Иногда в муниципалитетах осуществляющих деятельность в сфере ОМС, пациентам предлагают заплатить за медицинскую помощь, которую они могут получить за счет ОМС.

Если Вам предложили оплатить медицинские услуги, то в первую очередь Вам нужно ознакомиться с перечнем медицинских услуг, которые Вы можете получить бесплатно. Данный перечень должен быть размещен в доступных для пациентов местах (регистрауре, холлах амбулаторно-поликлинических учреждений, приемных и других отделениях стационаров).

Если у Вас остались сомнения в законности взимания денежных средств за медицинские услуги, необходимо обратиться к руководителю данной медицинской организации за разъяснениями.

Если Вы не нашли взаимопонимания с руководителем медицинской организации или его доводы считаете неубедительными, то нужно обратиться в страховую медицинскую организацию, где Вы застрахованы.

Если Вы все-таки заплатили за медицинские услуги, назначенные Вам в стационаре или в поликлинике, или приобрели лекарственные

средства, назначенные Вам врачом в стационаре, у Вас есть возможность вернуть затраченные средства. Для этого необходимо обратиться в СМО, или в филиал фонда ОМС, представив следующие документы:

- письменное заявление гражданина или его представителя

- копии документов, подтверждающих факт приобретения лекарственных средств

- договор на оказание платных услуг и другие документы, подтверждающие факт получения медицинской услуги и назначения медикаментов (выписка из истории болезни или





проверку в медицинской организации, указанной в заявлении. В случае признания претензии о взимании денежных средств обоснованной, МО возмещают денежные средства.

По всем вопросам защиты прав застрахованных граждан просим обращаться в Магарамкентский филиал ТФОМС РД по адресу: **Магарамкентский район, федеральная дорога Кавказ 989 км. тел.: 55-18-28**

амбулаторной карты, направление на лабораторные исследования).

Специалисты-эксперты страховой медицинской организации рассмотрят Ваше заявление, представленные документы и проведут

Ф.Ю. БАЛАБЕКОВ, директор
Магарамкентского филиала
ТФОМС РД

ОТЧЕТ ОБ ИСПОЛНЕНИИ СМЕТЫ РАСХОДОВ С/П “с/с Микрахский” за 2020 год

| Наименование | Гл. | Р П | ц/с | в/р | Статья и экпл. | Ассигнования на отчетный период | Кассовые расходы с начала года | Остаток на конец |
|--------------|-----|--------|----------|-------|----------------|---------------------------------|--------------------------------|------------------|
| 1 | 2 | 3 | 4 | 5 | 6 | 7 | 8 | |
| | | | с/д - | | | 323000 | 347710,92 | |
| | | | Субв.- | | | 4077600 | 4413092,41 | |
| ГЛУ | 001 | 010488 | 30020000 | | | 2465800 | 3306184,99 | |
| | | | | 121 | 211 | 1150000 | 1165248 | |
| | | | | 129 | 213 | 349000 | 373708 | |
| | | | | 244 | 221 | 25000 | 12543,58 | |
| | | | | 244 | 223 | 66800 | 48600 | |
| | | | | 244 | 225 | 81000 | 865610 | |
| | | | | 244 | 226 | 734000 | 835673,41 | |
| 1_ | | | | 244 | 290 | 20000 | | |
| | | | | 851 | | | 1302 | |
| | | | | 853 | | | 3500 | |
| | | | | 244 | 340 | 40000 | | |
| вус | 001 | 020399 | 80051180 | | | 87000 | 99000 | |
| | | | | 121 | 211 | 67000 | 76050 | |
| | | | | 129 | 213 | 20000 | 22950 | |
| контракт | 001 | 050599 | 90005000 | | | 856200 | 576226 | |
| 1_ | | | | 244 | 111 | 652000 | 440678 | |
| | | | | 244 | 119 | 204200 | 135548 | |
| Культ | 001 | 140326 | 10160020 | 540 | 250 | 891600 | 771126 | |
| рез. фонд | 001 | 040915 | 30020760 | 244 | 225 | 100000 | | |
| | | | | | | 4 400 600 | 4752536,99 | |

СВЕДЕНИЯ О ДВИЖЕНИИ СРЕДСТВ, НАХОДЯЩИХСЯ НА ТЕКУЩИХ БЮДЖЕТНЫХ СЧЕТАХ

| Наименование текущего бюджетного счета | Код строки | Остаток на начало | Поступило начала года | Кассовый расход за отчетный месяц | Остаток на конец отчетного года |
|--|------------|-------------------|-----------------------|-----------------------------------|---------------------------------|
| 7 | 8 | 9 | 10 | 11 | 12 |
| Текущий бюджетный счет на расходы учреждения | | 873,34 | 4760803,33 | 4752536,99 | 9139,68 |

А.Г. СУБХАНВЕРДИЕВ, руководитель

П.М. ПИРАЛИЕВ, главный бухгалтер

Оплатите за газ!

ООО "Газпром межрегионгаз Махачкала" напоминает, что потребителям, имеющим задолженность за потребленный газ за 2020 год, необходимо срочно погасить её!

Оплату необходимо произвести до 10 числа любым удобным способом: через кассы абонентской службы или с помощью дистанционных сервисов "Мой Газ", "Сбербанк-онлайн".

Неоплата или неполная оплата потребленного газа в течение двух месяцев является основанием для приостановления газоснабжения. У некоторых злостных неплательщиков сумма долга за газ исчисляется десятками и сотнями тысяч рублей. Для разъяснений по суммам задолженности необходимо без промедлений обращаться в абонентский пункт по месту жительства и написать заявление.

Не копите долги и совершайте все расчёты вовремя!

Справка:

Единый номер "горячей линии" компании "Газпром межрегионгаз Махачкала" - **8-800-200-98-04**, по которому можно узнать сумму вашей задолженности за газ, назвав номер лицевого счёта.

**ПЛАТИТЕ ЗА ГАЗ
ВОВРЕМЯ!**



В соответствии с действующим законодательством абонент обязан вносить плату за газ до 10 числа месяца.

Заплатить за газ можно:

- в "Личном кабинете абонента" на сайте www.mkala-mrg.ru или скачав мобильную версию "Мой ГАЗ" на свой гаджет;
- в районных и городских абонентских службах (адреса и телефоны на сайте www.mkala-mrg.ru или можно узнать позвонив на "горячую линию").

"Газпром межрегионгаз Махачкала"

Халкъдин яшайишдин гьалар клевера ва дарда твазвай, абурун игътияжриз дубзгубвилелди килиг тийизвай, закондин истемишунриз яб тагана чпин кваллахар ва кьуллугъ идара ийизвай гьакимар гьукуматдин аппаратда гьеле кьери туш. Эгер са гьихьтин ятлани идарада куьн кимивилерал расалмиш жез, абуру пулар тлалабиз хьайитла, чаз газетдин работникриз хабар це. Чун куь тереф хуьн патал гьар са дубшуьшда кьаришмиш жеда ва члуру кваллахриз рехъ тагунин карда гьахьвилдин даяхар яз акъвазда. И мураддалди чна, вири уьлкведа хьиз, "горячая линия" кардик кутазва. Тлалабзава чаз чарар кхьин (кьуларни члуьгуна).



«ГОЛОС ЭРЕНЛАРА»

2001-йисан
ноябрдилай акъатзава

Тениклайди:
Докъузпара райондин
администрация,
Дагъустан Республика

Учредитель:
Администрация Докъузпаринского
района, Республика Дагестан

Къилин редактор:
А.Э.ЭМИРСУЛТАНОВ

Жавабдар секретарь:
В.С.АГЪАМУРАДОВ

Хусуи корреспондент:
Ш.О.ШАГЪБАЛАЕВ

Корректор:
Ш.О.ШАГЪБАЛАЕВ

Верстка авурди:
КЪ.В.АГЪАМИРЗОЕВ

Газетдин индексар:
Зур йисан кьимет - 299 м.
Йисан кьимет - 598 м.

Чандиз вахкай вахт: 14:00
Чапзавай вахт: 17:00

Тираж 440

Редакциядинни макъалайрин авторрин фикирар сад тахьун мумкин я. Макъалайрин делилрин дубзвилдин патлахъай жсаваб авторри чни гуда. Макъалайриз рецензия гузвач ва абур элкъвена вахкузвач. Мадни, чпин макъалайра дегивилер тунал, кьилер дегинирунал рази тушир мухбирривай чна абур редакциядиз ракъур тавун тлалабзава.

Газета зарегистрирована Управлением Федеральной службы по надзору в сфере связи, информационных технологий и массовых коммуникаций по Республике Дагестан

Регистрационный номер ПИ №ТУ5 - 00256 от 14 июня 2013 г.

Редакциядин, издательстводин ва типографиядин адрес:

368750, Докъузпара район, Усугъчай хуьр,
тел.+7 (8722) 55-14-61
e-mail:
gosol-erenlara@mail.ru
Чи сайт: www.erenlar.ru